

LE

no. 19

FAVX-VISAGE

DESCOVERT DV FIN

Renard de la France. H 2571

*A tous Catholiques vnis, & saintement liguez pour la
defence; & tuition de l'Eglise Apostolique &
Romaine, contre l'ennemy de Dieu
ouuert & couuert.*

Ensemble quelques Anagrammies
& Sonnets propres pour la
saison du iourd'huy.

Sors ista Tyrannis
Cenuenit, inuideant claris, forté que trucident.

Claudi in 4. bon. conf.

Par fort il est escheu en partage aux Tyrans
Porter enuie aux bons, & meurtrir les vaillans.



Pour Jacques de Varangles, rue saint
Jacques contre le College du Plessis;

Auec Permission.

M. D. LXXXIX.

Anagramme
DE VALOYS,
O LE IVDAS.

LE ciel qui veut faire paroistre
Que DE VALOYS n'estoit qu'un traistre
Anagrammatizant son nom,
A faict fort heureusement naistre,
O le Iudas : dormant à cognoistre,
Que son cœur couue trahison.

PRIERE AV DIEV
des Chrestiens.

SEIGNEVR, qui m'as donné la force
De sonner sur mon luth ce vers,
Permits, qu'il me serue d'amorce
A faire un coup pour l'univers.

Tyrannicidæ præmium detur.
Salaire, & récompense à celui
qui tura le Tyran.



LE FAVX VISAGE DESCOVERT

du fin Renard de la France.

A tous Catholiques, &c.

EN ce temps calamiteux , & deplorable (Chrestien & Catholique) auquel il semble que toute la puissance de Satan soit dechainee avec resolution de nous faire courir fortune de nostre sainte religion : J'ay eu en singuliere recommandation d'exhorter

vn chacun à ce roidir & tenir ferme contre les assiduels assaults que nous liure l'ennemy commû du genre humain par les heretiques, politiques & autres qui viennent de sa part: & specialement entre les Chrestiens les plus zelez & vrayes Catholiques, qui desirant d'une sainte volonte la conseruation & propagatiõ de l'Eglise, à y mettre la main: voyât le vaisseau de la pauvre France esbrälé, par la tourmente & emotiõ des flots des heretiques, agité d'une part & d'autre des vents impetueux, & haleines puantes des Politiques: environné d'une infinité d'escueils, ausquels il s'aheurtera, si Dieu ne le préd en sa sauuegarde & protection, voguer en plaine mer de tribulations, si proche de faire naufrage qu'il reste à tous les gens de bien, bien peu des-

perance d'un heureux abord. Chose qui cause que ie me plains de viure en vne saison si miserable: comme faisoit en l'Eglise primitive saint Polycarpe en ces mots, *O bone Deus, in qua tempora me conseruasti, ut hac sustineam, in huiusmodi afflictione & hereticorum tyrannide.* O bñ Dieu en quelle saison m'auez vous reserué pour supporter ces choses en telle affliction & tyrānie des heretiques: par lesquels propos l'on peut cognoistre quelle trauesse ce saint personnage sentoit en sō ame entre les cruautez & persuasions des heretiques. Toutesfois vne chose me resiouit grandement & consolide mon cœur, qu'encore que ce tyran de nostre siecle conspire en son ame la ruine & desolation de la pauvre France, & la perte de nostre sainte religiō, qui est mille fois pl⁹ dāgereuse que la perte de nos vies, & que le dommage entier de tous nos biens, qui sont souz la main & puissāce de fortune, que

Tras
par
heur,

Nititur in cassum nauem submergere Petri

Fluctuat, & numquam desinet esse ratis.

Pourneant il s'efforce renuerser le bateau

De saint Pierre qui flotte, & flottera sur l'eau.

D'autant que par la promesse infalible de nostre Dieu il subliſtera maugré les ennemis de nostre foy, *vsque ad consummationem seculi:* Iusque à la consummation du monde: regretant infiniment qu'en ces derniers iours pour la trop grande facilité de quelques cerueaux mal tymbrés, l'erreur & opiniō peruerse se soit glissē permy nostre France, & que nostre lys iadis fleurissant, maintenant flettrissant pour la grande chenilere des heretiques, & autres qui le rongent soit comblé d'affliction, & desola-

tion. Attendu qu'es siecles precedents la France a esté preseruee de ceste peste: & qui mesme comme dit saint Bernard auoit de coustume d'extirper & punir rigoureusement l'heresie estrangere: en est maintenant toute infectee & corrompue.

Et d'autre costé voyant à mes yeux les sangliers, (qui sont les heretiques qui desirēt plâter le flambeau de leurs heresies à guerre ouuerte pour cendroier l'estat de la France) & les fins renards (comme noz politiques, avec leur prince) traistre de nostre religion, participants de mesmes sacremets que nous, qui desirent establir sous main sur noz fleurs de lys ce relaps Henry de Navarre, pour ascoir vne meilleure fortune: & brief toutes sortes de bestes sauvages, rauager & defricher ceste pauvre vigne de nostre Dieu, plantee par luy mesme, arrousee de son precieux sang, & de celuy de tant de glorieux martyrs que nous auons pour protecteurs en nostre France. I'ay esté si viuemēt attaint en l'ame quād i'ay cōsideré les maux que nous endureriōs pour en voir sortir vne bōne issue. Toutesfois i'ay vne telle confiance en la misericorde & puissance de mon Dieu, que i'espere que personne ne pourra preualoir contre nous, si d'vn cœur cōtrist & humilié nous nous rangeons entre les bras de sa misericorde, nous fortifiāns à l'encontre de noz ennemis de son saint nom: sans laisser en arriere en cest affaire les moyens qui se presentent deuant noz yeux. Et n'ayant en cecy autre but que de rechauffer les plus frois en l'amour de nostre Dieu, & d'vn zele enuers sō Eglise, & entre autres, ceux principalemēt qui sont incapables des sain-

tes Escritures ie me fonderay seulement en raisons faciles & aysees à digerer, bornât ce petit discours de ce qui est arriué à ces troubles, qui ont piteusement déchiré la pauvre Frâce: attêdu que les choses domestiques & qui se font chez nous excitent d'auantage noz esprits que les choses foraines & estrangeres. Or donc, qui est celuy, Chrestiens, qui ne recognoisse que nostre Dieu ayât compassion de la France, à cause de son ancien zele, & grande ardeur en la religion, voyât qu'elle se precipitoit en vn gouffre d'erreurs, & abisme d'opinions fantastiques n'aye suscitê ceste illustre maison de Lorraine pieuse & genereuse à la defêce de son S. nom, & ne l'ayt fôdee en ceste region comme vne forteresse bié munie cōtre tous les aguets des ennemis de nostre religion? laquelle maison estant yssue de ce grand Chef d'armees souz l'estêdard de Iesus-Christ Charle-maigne, & de ce preux Cheualier Godefroy de Billô, qui par tant de l'auiers & tât de victoires heureusemêt reportees cōtre l'infidelle s'establit Roy de la Palestine: laquelle di-ie tant de prerogatiues & preeminences dessus les plus apparentes maisons de la France, avec tant de benediçtiôs de Dieu, que vous y voyez vne formiliere d'enfans masles, vrayes images de leurs peres, suyuant la trace de leurs ayeux, & ne forlignât pas d'vn petit poit de leur vertu & grâdeur de courage, si adextres aux armes, & si curieux de l'honneur de Dieu, qu'il ne se remarque aucun d'iceux qui ayt esté entaché, ou bié soupçonné de l'heresie: brief si accomplis & embellis de toutes perfeçtiôs Chrestiennes, qu'ils sont comme vne lampe arden-

te à toute personne qui veut reformer sa vie dissolue, & cheminer aux erres de Iesus Christ. Et d'autant qu'en icelle nous auôs eu pour protecteur de nostre cause aux premiers troubles, feu Monseigneur le duc de Guise le pere, lequel pour ses rares & excellents faicts d'armes sera le premier dessus les rangs aux choix de tât de princes de ceste race, qui pour la gloire & l'honneur de Dieu, pour nostre sainte religion que nous auons de main en main des Apostres, & pour la cōseruation du pays, ont consacré & voué deuotieusement leurs vies: & qui s'est faict paroistre entre iceux (cōme la Lune entre les feux du Ciel) par ses auātageuses proüesses. Car qui est celuy qui croira qu'un hōme mortel reuestu de chair & d'os puisse auoir pris sur l'ennemy de la religion, Calais ville frontiere & maritime imprenable, pour la situation & l'artifice des hommes, deuant mesme que la garnison Angloise se fust à grand peine douté d'un siege, & s'en souciant fort peu, veu qu'ils auoient ce distique latin ordinaire en la bouche,

Et tunc credibile est cingi obsidione Caletum,

Cū ferrum plumbūmue nabit suberis instar.

Il sera vray semblable que Calais on assiege,

Quand le fer & le plomb nagera comme liege.

Et mesme les Roys d'Angleterre s'asseuroient tant sur les forteresses de ce lieu, qu'ils disoient que la clef de la France estoit pendue en leur ceinture. Mais quoy? ce Prince assisté de la dextre du Dieu des armées n'a il pas soustenu courageusement le fort d'un siege le plus violent qui fust oncques dedans Mets, où lon tira tant de volées de coups de

canō, & auquel l'on redoubloit des batteries si furieuses que de vingt deux lieux en Allemagne lon entédoit aysemēt le bruit des canōnades: & en fin la puiffāte armee de Charles le Quint Prince d'auguste memoire pour la fatigue cōtinue que luy dōnoit ce Prince, se retira camus avec vn fort grād equipage. Nostre Prince ne se contētant d'auoir rēporté la victōire voulut faire paroistre vne estincelle de sa bonté & misericorde, secourāt ses ennemis propres, donnant aux malades & naurez des chirurgiens, & les inuitant d'vser de toutes cōmoditez qui estoient en sa puiffance cōme remarque vn fidele Historien Allemā. Mais ce Cesar ne pouuant estre terrassé ayant son homme en teste, fut traistreuusement tué au siege d'Orleās par Poltrot de trois balles empoisonnees, chose qui est ordinaire aux heretiques, & de tous leurs alliez d'vser de poisons & de trahisons, à la persuasiō & sollicitation de ce venerable putier de Beze, luy promettant sur la vie & son hōneur le royaume de Christ, car pour telles gens il n'y a point de Iesus, Dieu ne laissant le meurtrier impūny. Pour qui est-ce dy moy, Chrestié, que ce genereux prince a respendu son sang? Ton Dieu, ta religiō, la cōseruation de la couronne, ta vie & la mienne ne sont ce pas autant de iustes causes: duquel tu dois auoir la mort glorieuse, fichee & arrestee deuant tes yeux, pour te maintenir au zele de la religion: Quoy? estimes tu que tu māques d'estroite obligatiō à véger sa mort & te sacrifier volontairement à nostre Dieu comme vne victime, veu que il y va maintenant de la manutention de la religion saincte, & de l'honneur

neur de Dieu contre des suppots de Satan les heretiques & simulez politiques. Nous ne manquons pas, Chrestiens, de tels Princes pour nous exciter à embrasser virilement & courageusement le party de nostre Dieu, en nous opposant à l'audace de ceux qui desirēt deraciner & defouir en ceste terre les fondemens de nostre religion. N'auons nous pas eu Monseigneur le Duc d'Aumalle pere de ces Princes, qui pour le iourd'huy nous seruent d'un Panois contre les trahisons sanglantes de nostre tyran, lequel voulant extirper l'heresie mourut pour nostre querelle en vaillant champion? Quoy? as tu perdu la memoire des inhumaines & plus que turquesques cruantez perpetrees en ces derniers iours? Ce Cesar, ce Scipiō, cest espouuentail d'heretiques n'est il pas attaché, comme vn riche tableau au cabinet de ton cœur? Ce prince qui ne respiroit rien, sinon que l'honneur de Dieu, la consolation des pauures Catholiques, l'extirpation des heretiques: pour la descharge des subsides, pour nostre sainte religion, & generally pour la reformation de toute la desolee Frāce a esté traistreusement, & pariurement assassiné: Qui ne cognoit à veue d'œil, & touche du bout du doigt, que le puiot de la France, que le plus braue chevalier qui iamais mit pied en etried ne soit par terre? N'est-ce pas celui qui de sa seule presence a garenty Paris, la plus florissante ville du monde d'un sacagemēt vniuersel: N'est-ce pas ce Prince qui retira l'espee nue de la main du soldat du sein des bourgeois d'icelle? N'est-ce pas ce genereux conducteur d'armees qui tant de fois, & si heureusement a terrassé & taillé en

pieces l'ennemy de nostre Dieu, & pour toutes recompenses des bons seruices a esté laschemēt poignardé? Qui penseroit que sous les amorces & appas emmiellez de ce traistre, sous des paroles tāt fardees & desguisees, sous vn visage acord, & facile, tel qu'il luy portoit: bref sous vne si lasche moleste il recelast en sa poitrine vn cœur dur, adamantin, & regorgeât de trahison: il fait cōuoquer des estats, mais ce sont pieges pour y surprēdre les moins auisez, a telles façōs & ceux qui ont l'ame & le cœur droit & sās desfiāce. O quels estats! ô quelle reformation, ô tēps deplorable. Quoy? seignes tu du nez encore, Catholique, ce n'est pas en ces affaires cy où l'on doit caller le voile. Nostre Dieu n'ayme que celuy qui est violent & hault aux armes, & zelateur de son saint nom. Quoy? es tu si lasche & si stupide: as tu les yeux tellement bandez que tu ne puisse atteindre où vise cest hipocrite avec sa legion d'atheistes? Veux tu attendre à te resouldre quand tu voyras ta propre poitrine seruir de fourreau à son espee ia teinte du genereux sang des Cheualiers de Iesus Christ, & qu'il se sera baigné iusqu'aux espaulles au sang de ta femme & de tes enfans? Quelle fidelité auras tu à ce Tyran qui a fait daguer celuy qui a maintenu & conserué sa couronne, contre les orages des Heretiques: mesmes sans aucun respect de la sainte assemblee des estats: ayant perdu toute souuenance des promesses qu'il luy feit, avec les plus grandes execrations qui se puissent dire, en receuant son createur, mesmement en sa chambre, laquelle il disoit, pour finemēt iouer sa farce, estre vn asyle de seureté & de

liberté: brief vn lieu saint & inuiolable. Et quoy? clocherés vous encor, ne vengerés vous point la mort de ce Prince qui a si souuent mis à vau-de-route l'Heretique nostre commun ennemy? Qui sçeut si bien & si dextrement faire paroistre la valeur de ses ieunes ans dans ceste villace de Poitiers. Qui dernièrement accompagné de la celeste puissance fit fondre sur ceste grande armee de Reistres que ce beau penitét fourré de malice fist venir vn esclat estincelât de sa foudre? Qui ta preserué ville de Paris, de ces beaux barbouillez, qui esperoiet réporter ton or & ton argêt dedâs leurs chariots, selon les belles promesses que l'on leur auoit fait? Ne sçais tu pas que ce beau Henry iadis nostre Roy, n'en accosta pas vn: car ils estoient venus pour son seruice, faisant les tours & retours. Et apres qu'ils eurent tout à leur aise rauagé, bruslé & mis tout au fil de l'espee, ne leur donna il pas main forte pour se retirer en assurance, avec defences expressees de n'attenter en aucune façon contre la vie de ces bons hostes de la France? Qui les a mis en pieces, Chrestien, qui leur a fait rebrousser chemin & retrouver leurs premieres erres? N'est-ce pas ton Dieu qui accompagnoit ce valeureux Prince avec sa petite poignée de gens: quelle proportion y auoit il des deux armées? Que veux tu d'auantage. Desires tu que le Dieu des Chrestiens laisse son trosne celeste, t'asseur de sa parolle & dise que l'on en veult à tareligio: Il y a ia long temps, à mon grand regret, que tu deusses auoir couru aux armes, pour inquieter la tyrannie, la vie sedentaire & voluptueuse de ce

Cheualier de la Iartiere: l'honneur de Dieu ne t'en a il pas semond, le voyant fouler aux pieds & prophaner indignement, quand la forcellerie a esté établie au lieu le plus eminent, & au plus haut siege de la pauvre France? Le pauvre peuple ne t'en a il inuité, quād tu l'as veu ruiné, rez pied, rez terre, de-seiché de son sang, si haue, à la recharge de tant, & tant de sortes de subfides, & inuentions diaboliques de ces sangsues & partisans de cour, & toute la France en general & particulier ne t'en a elle pas prié & importuné à la creation de tant & inaudits offices? bref Dieu n'a il pas esté grandemēt offensé pour le luxe, debordement & dissolution, qui est en chacune vacatiō, qu'il semble que nostre Frâce (qui a esté autrefois vn ben où Dieu estoit seruy & honoré avec grand pieté & deuotion) soit maintenant l'egout & la sentine des immōdices du monde? O lacheté trop grāde qui nous couste vn si precieux gage! Tu ne pouuois (amē glorieuse) qui iouis à ton aise de la presence de ton Createur, & qui reçois le salaire & recōpense de tes merites enuers l'Eglise. Tu ne pouuois di-ie estre réuersé, si ce n'estoit par vn si lache tour, mesme de celuy auquel iustement tu pouuois oster la vie au iour des barricades de Paris: attēdu que la fēste se celebroit pour toy: & qui as eu tant d'aduertissemens & si certains des entreprinſes & desseins qui se brassoient contre ta vie innocente, mais, comme vn prince vrayement Chrestien, tu ne disois autre chose, que l'ay fiance en mon Dieu, qu'il dispose de moy, te sacrifiant à luy si volontairement. Qui vouldroit s'arrestēter à esplucher la moindre parcelle des rares, &

presque diuines vertus de ce prince,
Ante diem clauso componet vesper Olympo,
Deuant vesper de sa brune courtine,
Auroit voilé la terre & la marine.

Mais ô bon Dieu, ce tyrā n'a il pas passé outre! a il borné sa plusque bestiale cruauté de la mort de ce genereux, & tant regretté prince: mais ô execrable entreprise, comme fils aîné de satan non del'eglise de nostre Dieu il a ensanglanté ses mains, & assouuy sa rage du sang le plus beau, le plus pur, & le plus esclatant del'eglise, en massacrant cruellement ce grand Cardinal de Guise son pere: qui estoit le fondement & la base de ceste tant desolée eglise Gallicane: celuy di-je qui s. ul sacre les Rois de France, celuy qui reçoit en son Abaye de saint Denys les corps des Roys de Frâce: brief celuy qui represente en ce royaume la personne du Pape, vicaire de Iesus-Christ. Ce prince qui desiroit d'un bon zele la reformation de l'eglise tant deformee, & qui auoit tant sué & trauaillé pour l'obtenir, a esté massacré de sang froid, à la veue des estatz de la France, & la veille de Noel, ô cruelle cruauté! C'est à vous, messieurs les ecclesiastiques, c'est à vous à qui s'adresse ce pacquet: si vostre chef est meurtry, quelle assurance aurez vous en voz personnes? y fait grand iour, leuez vous, l'espeisseur des tenebres est dissipé, le nuage est rompu, vostre rolet se ioue, courez aux auires de l'eglise, que chacun selon sa puillance s'esuertue de maintenir l'eglise, roidissez y vous, vostre hōneur y est engagé, l'honneur de l'eglise: bref l'hōneur de toute la Chrestienté y court yne hazardeuse fortune. Ne remarquez

vous pas en cest acte si abominable les premiers
 trais d'Henry 8. Roy d'Angleterre, quād il mit la
 main sur le sacré faisant mourir de la main du bou
 reau ces deux lumieres d'Angleterre, Rossésis Euef
 que de Rochestre, & ce docte Châcelier & excellēt
 persōnage Thomas Morus. Il y va du vostre, & qui
 est bien d'auantage, de la religion de vostre dieu,
 couchez y vostre reste & soyez d'oresnauant en la
 bergerie de nostre dieu, *Nontanquā canes muti va-*
lentes non larrare, non pas comme chiens muets qui
 ne peuuent aboyer apres le loup. Donc, messieurs
 les Ecclesiasticques, en l'honneur de nostre Dieu
 faictes fondre & esclater la verité sur les oreilles
 des ennemis de nostre religion, qui la craignent
 plus que la corde de laquelle il serōt quelque iour
 pendus, consacrant pour icelle, & vouāt d'un bon
 cœur vos propres vies. La saiso n'y est elle pas pro
 pre? le tēps n'y est-il pas préparé? bref vostre Dieu
 qui frappe à la porte de vos consciences ne vous
 exhorte-il pas à la faire sonner haut & clēr par
 toute la France? heureux celuy, heureux par trois
 fois qui pour vne si iuste & si saincte cause espan
 chera son sang, & mettra sa vie entre les mains de
 son Dieu, qui pour loyer & recompense luy don
 nera vne autre immortelle, & bornee de l'eter
 nité, avec vn contentement ineffable.

Et vous, messieurs de Paris, vous pouuez assen
 rer du bon traitement que lon vous fera, veu que
 deja vostre Roy est par terre, comme il dit, se te
 nant fort de vous autres, & qu'il vous y pipera, cō
 me si vous estiez si faciles à persuader, si grossiers,
 & si peu soigneux de vostre Dieu, de ces temples

& de ces autels, se promettant merueille par sa canaille de politiques qui sourdement vous pratiquera: & par d'autres gens qui sont à ses gages au cœur de vostre ville, qui vous doiuent conuertir à leurs humeurs, semant par tout des distractions de voluntez, & diuisions entre vous autres. Mais bon Dieu, qui est celuy qui soit au moindre soupçon de ce qui se doit faire? n'a tu pas cognu le Lyô à la patte & aux griffes, nous le cognoissons assez pour vn fin renardeau q promet & dict beaucoup & de tout rien. Quoy? que doutez vous en vn choi si ouuert: vostre ville est riche & opulente qui peut faire la guerre à quatre Rois, iadis, cōme luy, sans incommodité & necessité quelconque. Quel doute y trouuez vous, la paix sera vostre ruine & vostre mort, car quelle alliance y a-il de Baal avec Iesus-Christ? la guerre tout au contraire sera vostre liberté & franchise; vous pouuez assez cognoistre son humeur d'Italien qui est d'estre vindicatif, il a esté assez vostre hoste, n'a il pas dit qu'il iouera à la courte boule de voz testes, & des testes de vos femmes & de voz propres enfans? Quoy? ne pensez vous pas qu'il n'ayt vn rolle des plus gens de bien de vostre ville; & de tous vos bons zelez predicateurs pour couronner son bel œuvre, & faire la catastrophe de sa sanglante tragedie, precipitant les vns dās vn sac en l'eau, aux autres leurs faisant faire le saut au bout d'vne corde? quoy en attendez vous moins? Reprenez dōc voz esprits & reuenez à vous mesmes. Il ne faut plus sommeiller, prenez bon courage, le Dieu des armées est pour vous, le Dieu des vengēces est tout prest de vous tēdre son

bras de misericorde, & d'exterminer vostre ennemy couuert & ouuert: vostre querelle est si iuste: si l'on ne venge le tort qui luy est fait, veu que il dict *nolite tangere Christos meos*, gardez vous bien de toucher mes prestres, assurez vous qu'il s'en vengera bien, nous faisant payer l'intérest de nostre lascheté & couardise. Que si mesme nous nous fondons en bon terme d'atheistes, comme font nos politiques & le prince d'iceux, nous arrestant és choses humaines, sans cōsiderer la puissance de Dieu, & que nous mesuriōs ses forces à la valeur de noz Princes Catholiques zelez grandement à ce faict cy. & des braues capitaines qui s'y employét, sans doute nous aurons du meilleur.

Pensez, messieurs de Paris, en quel piteux desastre il s'est reduit, considerez vn peu que le ver de conscience le bourrelle, & luy ronge le cœur, & que les furies infernales voltigēt sans cesse autour de luy avec leurs flambeaux ardents, luy faisant sentir de ceste vie presente le souphre, le feu avec toutes sortes de matieres cōbustibles qui l'attendent bien tost là bas: en toutes vos sainctes entreprises, fortifiez vous du S. nom de Dieu, & lors vous serez garentis & preséruez de voz ennemis, en tenant le pied ferme contre les entreprises d'iceluy. L'exemple de ces pauvres Princes vous doit seruir de leçon, & vous rendre plus sages & mieux auisez en vos affaires, car quelle fidelité & assurance aurez vous à vn pariure? quelles promesses fit il aux Polonnois? quels serments execrables si souuent reiterez a il faict à nos Princes? Iudas estoit traistre, mais il ne faisoit de telles promesses,

messes, que pensez vous? il vous promettra tout ce que vo' voudrez. Mais il sçait vne belle maxime de ces Machiauelistes, qui luy seruira d'echapatoire & de souuerain antidot, *que le prince n'est obligé à garder ses promesses*. Preuoyez les inconueniens qui vous enuironnēt, retirez le couteau qui pēd de sus vos testes, que si au contraire, Dieu permettra que sa rage escumeuse s'eslancera sur vn chacū de vous. Mais quoy appellerez vous vostre Roy celuy qui est du party de vos ennemis? appellerons nous bon Roy celuy qui a ruiné tous ses subiects, & qui de la desponille de plus d'un million d'iceux a enrichi exorbitammēt vn sorcier qui est tout pourry & rongé des escrouelles? direz vous celuy la estre vostre Roy qui a violé la iustice, laquelle il vous doit, la rendant à la poste & fantaisie de ce Gascon? Appellerons nous Catholique celuy qui souz main, fauorise l'heretique? direz vous celuy la tres-chrestien qui a faict tant d'edicts à l'aduantage des heretiques, vsant de grāde douceur enuers eux, leur emmōcelant annees les vnes sur les autres a celle fin qu'ils fauissassent? appellerez vous le fils aîné de l'Eglise celuy qui a tant ruiné l'Eglise? Reputerez vous celuy la grād Catholique qui distribue les Eueschez & Abbayes à ces courtifās & aux plus signalez putains de sa court? Direz vous celuy la estre vray Chrestié qui a vėdu à beaux deniers contans aux Venitiens plus religieux que luy la vraye Croix où Iesus-Christ auoit esté attaché & cloué, l'absēce de laquelle a esté le mal-heur de nostre France? appellerez vous celuy la bon Catholique qui s'allie à l'heretique? Car n'est il pas cheua-

lier de la Iartiere de Iesabel d'Angleterre, qui est vne vrâye boucherie & escorcherie de to^o nos freres, ceste chaste putain en fait à s^o plaisir, veu qu'il est garotté & attaché à sa iartiere. ô bon Dieu qui a veu pratiquer à Prince Chrestien, mesmemét au premier fils de l'Eglise vne alliance avec l'ennemy de Dieu & de tous bons Catholiques, & mesmemét avec celle qui detenoit prisonniere sa seur, où en est la pratique? Qui en a le premier vsé? Le Roy d'Espagne Prince tres-catholique luy a-il appris ceste leçon, qu'au contraire il luy faict vne guerre s'esuertuant d'investir son Royaume pour y planter les trophées des Chrestiens, & y establir la religion Catholique, apostolique & Romaine. Pensez vous celuy la zélé à la religion qui n'a pas retiré la hache tranchante de la Roïne d'escosse sa seur, Princesse de bonne memoire, veu que celle qui l'apposoit estoit sa b^o ne alliee, & sa b^o ne seur? & estimerez vous celuy la croire en Iesus-Christ qui entretient à vostre veue tant d'atheistes, & qui se gouerne, soit en sa cōfession ou en autres choses, selon les prescriptions & preceptes de ces scientifiques docteurs, & examinateurs de conscience : bref celuy aura il ceste belle reputation d'estre Catholique à la franche marguerite qui a laschement rongy ses mains du sang de ce grand Cheualier de l'Eglise? Ce Prince, qui est auourd'huy tant regreté de la France & de tous Chrestiens espars par les cantons du monde, qui de son mouuement propre, & aussi à la persuation de nostre saint Pere Gregoire 13. d'heureuse memoire, & du Roy-tres-Catholique, & au-

tres princes Chrestiens qui descouuroient de leurs terres la faueur qu'on portoit à noz ennemis, & comme souz main l'on dresseoit la planche à la monarchie Françoisse à ce relaps Henry de Nauarre, embrasé du zele de la religion, & del'honneur de Dieu, qui le consummoit entierement, fit vne sainte vnion avec tous les Princes & potentats de la Chrestienté pour la conseruation de nostre sainte religion, & extirpation des heresies qui y pullulét, n'espargnant à ces fins, ses moyens, ses traualx, & sa vie propre: chose si certaine que chacun maintenant la descouure a veue d'œil. Que reste il d'auantage Chrestien, les sanglots, les larmes, les souspirs ne sortent ils point de la bonde de ton estomach: & au bout de cela ce tyran nous pense piper ceste fois cy encore: mais c'est à d'autres qu'il faut qu'il s'adresse pour vendre ses coquilles, nous le cognoissons assez à nostre grand déplaisir, pour vn pariure, nous le recognoissons que trop pour vn qui s'est laissé corrompre par argēt des Rochelois, lors qu'ils estoient aux derniers abois & souspirs de la mort pour la lōgueur du siege: chacun le remarque assez pour vn ateiste qui entretiēt vn Belloy cōme vn pourceau en gresse à la veue des plus Catholiques de la France: ce Seigneur Belloy son aduocat qui se maintiēt tātost Catholique Romain, tantost Caluiniste vray Cameleon, & Prothee en resolutiōs. Les petits enfans qui sont rongez des escroueles luy diront à deux doigts pres de son nez qu'il est incapable & inhabile de porter la couronne de France sur sa teste, veu qu'il ne les peut guarir de ce mal, se fondans sur ce que Dieu l'opposoit à son sacre: quand l'on trouua la sainte empoule toute tarie: & pour couper court, chacun

ſçait qu'il eſt retrâché de la compagnie des Chreſtiens, & ſemblablement ceux qui l'aſſiſtêt, l'honorent, & l'aydêt de leurs moyens, què direz vous à ces choſes? quelle replique ferez vous? l'on ſçait par vne pratique ordinaire què les vlceres interieurs ſont moins gueriffables, que ceux qui apparoiffent ſur la ſuperficie du corps: d'autant que la maladie eſt occulte, la tente & moins cogneue du chirurgien. Ne nous a il pas aſſez pipé quand il faiſoit ſa belle penitence par les rues de Paris? quand il viſitoit ſi ſouuent ſa maiſon des Capucins? & qu'il alloit par deuotion porter des chandelles aux religieuſes de Poiffy? O que c'eſt vne belle couuerture que le manteau de pieté & de religion! Quelle eſperance vous reſte il, meſſieurs, de ce tyran, ſinon que la diuine vengeance, deſtournant ces pernicieux conſeils & deſſeins deſſus ſa teſte, s'eclate, & miſerablement le foudroye, le croniquant ſelon ſon merite & l'immortalisant a toute la poſterité.

Sus Chreſtiens, reprenons nos forces du tout abatardies, prenons vn demy doigt de courage, le grand Dieu du Ciel te le recognoiſtra, qui a permis que ces deux premiers pilliers de noſtre eglise ayent eſté atteraslez: attendu qu'il eſtoit ialoux, & irrité du peu d'honneur que nous luy portions: voyant que nous fondions dauantage, & arreſtiôs noſtre aſſeurâce és choſes ſecondes, ſans auoir recours aux premieres: ayant bonne eſperance qu'il manira les cœurs endurcis de nos ennemis, & qu'il excitera les princes du ſang Lorrain (comme autrefois les vaillans Machabees) à venger ſa querelle, ſouſtenir ſon honneur, & l'aduancement de

son eglise: pourueu que gemissans nos pechez qui
causent ce malheur, & faisans vne penitence pro-
portionnee à nos offenses nous nous conuertis-
sions à luy, vous asscurans qu'il estendra sur nous
son bras de misericorde, & enuoyera son Ange
pour foudroyer ceux qui s'esleuēt à l'encontre de
nous. De Poytiers ce 15. Ianuier, 1589.

A la ville de P A R I S la premiere de l'Europe.

I.

SVs desille tes yeux, theatre des François,
Et regarde sans cesse au mal qui te tallonne,
Preuiens ce cruel tyran, qui ce malheur te donne:
Qui est vn hypocrite, & vn ruzé matois.

Recherche l'alliance des belliqueux Gaullois
Et du pays voisin, qui ton mur enuirome
Pour raur de son chef ceste torce couronne,
Qui consacre à memoire la gloire de nos Roys.

Sus d'un cœur genereux reprends nouuelles forces,
Et ne te laisse aller à ces friandes amorces,
Car il est double en l'ame, & pipeur en la voix.

Mais reserve le moy au creux d'une Rochelle,
Où la sale vermine luy ronge la ceruelle,
Car vn villain Herodes, est Henry de Valloys.

II.

CE meurtrier de Princes a ioué deux rolets
Comme vn farceur bouffon sur l'echasaut de France,
Soubs la peau du Renard, avec belle apparence,
Portant à son costé de ces gros chapellcts:

Et vn grand manteau gris flotant sur ses iarets
Et la barberaze ayant changé de chance,
Soubs le cuir du Lyon boufflé de vengeance,
S'enyure du beau sang de deux Princes immortels.

C iij

O Trahistre effeminé, baladin sanguinaire,
 Atheïste couuert, grand concussionnaire,
 Tu nous raux nos chefs ces deux Princes Lorrains,
 Qui seruoient de frayer aux Huguenots mutins,
 Alterez dès long temps de nostre sang. Courage:
 Nous esperons dompter, de ce Tyran la rage.

III.

Tout ainsi que Judas a liuré Iesus Christ,
 (Qui nous a retirez du seiour tenebreux,
 Où voltigent par l'air des fantosmes hydeux)
 Le Ieudy en la Cene, le saint sacrement prist,
 Prôtestant à son Dieu, qu'encor qu'on le trahist
 Qu'il luy seroit fidelle: mais l'auaricieux,
 Le trahist luy donnant vn baiser gracieux,
 Puis creué, par le ventre il poussa son esprit.

Ainsi Henry receut le corps du Dieu viuant:
 Le Jeudy deuant tous, ces mots en prononçant
 Que ce sacre manger soit m'a damnation,
 Si ie n'ayme ces Princes sans fard ne fiction,
 Et puis le Vendredy meurtrit le Duc de Guyse
 Et ce grand Cardinal, deux pilliers de l'Eglise.

IIII.

PAssant, tu t'es babis du malheur de la France
 Mais si la Sodomie, & l'adultere a lieu,
 Si violer Nonains ce n'est qu'un petit ieu,
 Et si l'iniquité vogue en toute licence.
 Mais si l'ambition marche avec arrogance
 Si lon est cheualier de l'ennemy de Dieu,
 Et si le sortilege festale au beau millieu,
 De la cour de Henry, le bourdeau & la dance.
 Si l'on a escorché, & miné insqu'aux os
 Le peuple en inuentant mille sortes d'impots,
 Et si l'on a forcé la Conciergerie,

Par les gardes du Roy: si la gendarmerie,
Rencontre en liberté le pauvre paysant,
Malheur ne va-il pas la France moissonant?

V.

Mais quoy? si l'Herésie paillarda est à tes yeux,
Et si l'on a meurtry deux grans princes Lorrains.
Si d'un beau sang sacré l'on a souillé ces mains
Et si les Politiques manient la France entre eux.
Mais si fausser sa foy & piper se sont ieux,
Et myrrer des gros Asnes, & crosser des putains
Et si l'on ne peut point accroistre les humains
Pour estre à l'amercy d'amour & de ces feux.

Si pour gaigner sa cause l'on est le plus offrant,
Et la premiere piece du proces c'est argent,
En gaignant d'un Gascon la faueur gratieuse.

Si l'on ne guarit point du mal des escrouelles,
Si ce sorcier prend tout qui est rongé d'icelles,
France n'est elle pas en tout point malheureuse?

V I

ANAGRAMME.
ENRY DE VALLOYS
LE IVDAS LE NERO.

En forme de Dialogue.

L'auteur parle avec Henry.

L'auth. **D**'Où vient cruel tyran, organe Satanique
Qu'eclipses de ma veue, deux Soleils lu-
mineux.

Par un meurtre si lasche ces Princes genereux,
Qui seruiroient de rempart au pauvre Catholique.

Henry. Car, ils ont terrassé la grād' troupe Heretique,
De mes empistolez d'un bras victorieux,
Et singeroient par trop me faire vertueux,

Reformans à vne d'œil mon sceptre tyrannique.
 Puis suuant de mon nom l'heureuse inuersion
 Que j'ay receu de Dieu par celeste influence,
 Le Iudas, en mon cœur recelant trahison.
 Le Nero, meurtrissant la peu-caute Innocence:
 Car j'ay deuant mon Dieu vn Cardinal sacré
 Et vn braue guerrier mes parens massacré.

V I I.

A la ville de Paris.

Paris, n'honore plus Henry plain, de seintise,
 Ce braue cheualier de l'Angloise lartiere:
 Pour lequel le Chrestien ne fait plus de priere,
 Car il est retranché du giron de l'Eglise.

Nere laisse mener par le nez à sa guise:
 A la paix simulee vray piege & vray taniere
 Où il te veut conduire à sa façon premiere,
 Mais espere en ton Dieu qui le sien ne mesprise.

Il a bonne memoire du iour des barricades,
 Où l'on chargea si bien à coups d'arquebuzades,
 Ces gens encuirassez, il en a grand despit.

Et vous diuins esprits relex pour Iesus Christ,
 Faites fondre sur luy vos carmes Satyriques,
 Eternisant son nom au plus creux des Cromiques.

Distichum.

Hic est Henricus quo religiosus extra
 Orbe nihil: Gallis intus at exitium est.
 Icy tu voyz d'Henry le dehors tres-pieux,
 Mais le dedans recelle à la France des feux.

F I N.